

欽定大清會典事例

欽定大清會典事例卷五百四

禮部

朝貢 貢物二

嘉慶元年。朝鮮國王遣使慶賀。

太上皇帝歸政。恭進貢物。照例收受。○又奉

太上皇帝敕旨。行令此後外藩各國。查照年例。具表齋

貢。毋庸添備貢物。作兩分呈進。○又英吉利國恭進

貢物。黃色大呢。醬色大呢。喙呀彌大呢。新樣大

呢。各六版。○又暹羅國王遣使齋金葉表文。慶

賀。

太上皇帝歸政。恭進龍涎香。上冰片中冰片。沈香。金鋼
鑽。孔雀屏。犀角。象牙。荷蘭毯。紅毛氈布。翠鳥皮。
白檀香。白膠香。樟腦。甘蜜皮。桂皮。華撥降真香。
大楓子。白荳蔻。藤黃。烏木。蘇木。凡二十三種。恭
進。

皇宮前貢物減半。又慶賀。

仁宗睿皇帝登極。並進。

皇后貢物。均與慶賀。

歸政貢同。○又奉。

太上皇帝敕諭爾朝鮮國。久隸職方。抒誠賓服。與凡為

屬國者不同。每歲長至元旦令節及萬壽聖節。爾國遣使齋表慶賀進獻方物。具見恪恭效順。悃款可嘉。此次以天朝疊慶重釐。均經備物呈進。梯航遠涉。出自至誠。允宜一律鑒收。並頒賞加賞國王。暨使臣等物件。錫賚便蕃。以昭厚往薄來之意。至例外所有隨表貢物。著該部行知該國。准其抵作下次正貢。毋庸再行備進。用示體恤。○三年。琉球國王世孫尚溫遣

使慶賀

太上皇帝歸政。恭進貢物。金罐銀罐銀攢盒。黑漆嵌螺鈿畫盆。銅火盆。雅扇。貼金銀煙筒。紫霞紙。護壽

紙。金彩畫圍屏。土焦布。織花紬。染花綿布。凡十有三種。又慶賀。

仁宗睿皇帝登極貢物。金罐。銀罐。金靶鞘。腰刀。銀靶鞘。腰刀。淡黃土。夏布。精熟土。夏布。細嫩土。焦布。金彩畫圍屏。雅扇。圍屏紙。紅銅。白鋼。錫。凡十有二種。慶賀。

皇后貢物。金粉盒。銀粉盒。淡黃土。夏布。精熟土。夏布。土焦布。雅扇。凡六種。○四年。朝鮮國王慶賀。

太上皇帝萬壽貢一分。表文九道。慶賀。

仁宗睿皇帝萬壽及冬至元旦貢三分。表文三道。使臣

到京時恭值

太上皇帝升遐。照例將表文交該國使臣帶還。貢物留
作二十七月後例貢。○又奉

旨。禮部奏朝鮮國王李祘因恭上

高宗純皇帝尊諡。遣使呈進表文方物一摺。具見該國
王恭順悃忱。其所進貢物。停其收受。著存留。准作年
貢。以示體恤。○又

諭。據奏南掌國王遣使齎表。懇求赴京進香。該督將來
使送至省城。是否准令進京。候旨遵行等語。南掌國
感戴

高宗純皇帝厚澤深仁。其哀痛實出至性。今遣使具表進香。具見悃忱。惟此時

山陵已永遠奉安。外夷之人。向無帶赴叩謁之例。而二十七月之內。又不舉行筵燕。是該使臣到京後。既不能叩謁

裕陵。又不能仰邀錫賚。徒勞遠涉。轉非仰體

皇考恩撫外藩之意。著該督傳旨酌加賞賚。給予筵燕。將此旨內。不令赴京加恩體恤之意。詳悉告知該使臣。其敕書一道。數日內即可繕就發往。俟敕書寄到時。該督即交該使臣敬齋回國。其所進表文。如尚輕

便即可附驛齎遞。否則專差送京。亦無不可。○又雲
貴督臣遵

旨將金葉表文。由驛進呈。所貢檀香三枝。解送到京。奏
交太常寺。○又朝鮮國王。恭進慶賀

高宗純皇帝升祔

太廟貢物一分。禮部查照舊例。奏請賞收。○五年奏准
琉球國王世孫。遣使進貢。並請

高宗純皇帝聖安。恭進表文。照例交來使帶還。其隨表
貢物。銀鑽盒。黑漆畫盆。素蕉布。染花棉布。圍屏
紙護壽紙。雅扇。凡七種。准抵下次正貢。○又暹

羅國王遣使齋祭文儀物恭詣

高宗純皇帝前進香並進獻方物經廣東巡撫遵

旨令該使臣毋庸進京所有呈進儀物方物令齋回○

又緬甸國王遣使齋金葉表文恭進例貢無量

壽佛藍呢黃綠緬錦五色洋花緞細白洋布金

邊大洋布白印花洋布鑲玻璃盒描金碗紅黑

漆碗紅漆盒象牙孔雀屏凡十有三種又恭詣

高宗純皇帝前進香齋銀葉表文貢檀香三筒○六年

琉球國王恭進

冊封謝

恩貢物。金鶴盃甲。金靶鞘腰刀。銀靶鞘腰刀。黑漆鞘鍍金腰刀。黑漆鞘鍍金腰刀。黑漆鞘鍍金槍。黑漆鞘鍍金袞刀。黑漆
灑金馬鞞。金彩畫圍屏。雅扇。土絲綿。練蕉布。土
芋布。白銅錫。紅銅。凡十有五種。又因

欽賜御書扁額。加進金鶴二。俱奏准留抵下次正貢。續
據該使臣呈請賞收。經部轉奏請

旨奉

諭。禮部奏琉球國使臣呈稱。國王此次恭進謝恩方物。
懇照乾隆五十九年准予賞收。免抵下次正貢等語。
該國王因特賜御書扁額等件。專遣使臣呈進謝恩。

方物曾經該部具奏降旨准作下次正貢。原以昭體恤而示柔懷。今據該使臣呈稱伊等臨行時國王再三諄囑懇請准予賞收免抵下次正貢。具見該國王抒忱效悃誠懇可嘉。著照所請。此次所進方物准予賞收。下次正貢屆期該國遣使來京時再當優加賞賚。用昭柔惠。遠藩至意。該部即傳諭該使臣令於回國時轉告該國王知之。○又琉球國王遣使恭進

高宗純皇帝前香貢祭品銀百兩交內務府收儲。○又琉球國王奏上次恭進

高宗純皇帝前請

安貢物懇

恩賞收奉

旨。此項方物。准其留抵正貢。前旨甚明。但該國此次正貢。業經齎送前來。若令其攜回。轉滋勞費。是以姑予收受。所有此項方物。著准作再下一次正貢。該國王務須仰體朕懷。不必再行陳奏。○八年。越南國王阮福映。納款入貢。進伽枒。沉香。速香。廣南生絹。象牙。羣鳥毛。豈蔻砂仁。檳榔。犀角。玳瑁。海鵝翎。碑。礮螺。花藤杆。凡十有四種。又進請封貢物。伽枒。象牙。犀角。沉香。速香。土紬。土紈。土絹。土布。凡九

種。○又奏定。越南國應進年例貢物。象牙二對。
犀角四座。土紬二百疋。土紬二百疋。土絹二百
疋。土布二百疋。沈香六百兩。速香一千二百兩。
砂仁九十斤。檳榔九十斤。慶賀方物。象牙二對。
犀角四座。土紬百疋。土紬百疋。土絹百疋。土布
百疋。至陳謝表奏等貢。應遵照乾隆四十六年
諭旨。毋庸備進。○十二年。南掌國王遣使進馴象四隻。
象牙四百斤。犀角三十斤。土絹一疋。解象委員
回滇。照乾隆五十五年例。咨兵部給發勘合。○
十四年。琉球遣使謝。

册封恩貢金鶴形一對。鶴踏銀岩座各全。盔甲一領。護
手護膝各全。金靴鞘腰刀二把。銀靴鞘腰刀二
把。黑漆靴鞘鍍金銅結束腰刀二十把。黑漆靴
鞘鍍金銅結束槍十把。黑漆靴鞘鍍金銅結束
袞刀十把。黑漆灑金馬鞞一座。轡御絡頭前後
牽鞞屨脊障泥鐙俱全。金彩畫圍屏二對。精製
雅扇五百柄。土絲綿二百束。練蕉布三百疋。土
苧布一百疋。白銅錫五百斤。紅銅五百斤。○又
暹羅國王遣使祝

嘏進貢壽燭十對。金鋼鑽一斤。冰片二斤。燕窩十斤。沈

香二十斤。犀角二十斤。孔雀尾五十屏。翠鳥皮
五百張。檀香一百斤。降真香一百斤。砂仁米一
百斤。紫紈一百斤。象牙二百斤。荳蔻二百斤。胡
椒二百斤。藤黃二百斤。荷蘭氈二領。○又暹羅
國世子遣使進貢請封。在洋遭風沈失貢物九
種奉

旨。此實人力難施。並非使臣不能小心防護。不必另行
備進。○十六年。緬甸遣使進貢長壽聖佛一尊。象牙
三對。孔雀尾九屏。各色緬錦三十疋。各色細緬
布四十疋。洋氈六十牀。印花緬紬三疋。緬布抄

子二十牀。描金椀二十箇。紅漆緬盒五十箇。紅漆緬椀五十箇。緬青布十疋。緬紫花布二十疋。緬白布二十疋。白印花布八疋。緬鴨色布六疋。緬白細布二疋。白布四疋。紅呢二版。馴象三隻。○又緬甸使臣孟幹稟請獻樂。禮部堂官面奏奉

旨。該國王並未表奏。亦無咨文到部。毋庸越分呈進。○十七年。朝鮮陳奏請封世子貢物。奉

旨。留抵下次正貢。○十八年。朝鮮因

冊封世子

恩賜物件。恭進貢物。奉

旨。仍作為下次正貢。○又

諭。蔣攸銛奏。暹羅貢船失火一摺。暹羅國因屆例貢之年。備表進貢。其正貢船在外洋失火焚燒。副貢船先已抵粵。著該督派員將現到貢使。即行護送來京。將所存貢品十種呈進。其正貢船沈失貢物。不必另行備進。以昭體恤。○道光元年。越南陳奏請封。恭進象牙二對。犀角四座。沈香五十斤。速香一百斤。土紬一百疋。土絹一百疋。土布一百疋。奉

旨。准其留抵正貢。○二年。越南國王恭進

冊封謝

恩貢物。黃金四十鎰。白金二百鎰。犀角四端。肉桂二百斤。土絹二百疋。土紬二百疋。象牙四對。奉

旨留抵。旋據陪臣等呈懇

賞收奉

旨。准其一併賞收。○又朝鮮國王慶賀

仁宗睿皇帝升配

升祔。暨崇上

皇太后尊號徽號。又因

賞賜緞疋。

頒詔謝

恩並陳奏事件。恭進

宣宗成皇帝

皇太后前各方物奉

旨。前三分著收受。餘九分著留抵下次正貢。○又朝鮮

國王恭進例貢。並慶賀

冊諡

孝穆皇后。又為

賜祭謝

恩恭進

宣宗成皇帝

皇太后前各方物奉

旨。前二分著收受。後三分著留抵。○七年。琉球恭進例
貢。並因二年

特賜該國王

御書扁額恭進謝

恩貢物奉

旨賞收。○又暹羅國王鄭福恭進

冊封謝

恩禮物。龍涎香一斤八兩。沈香三斤。冰片一斤八兩。犀

角九箇。白檀香一百五十斤。孔雀翎二十屏。翠毛九百張。象牙四百五十斤。奉

旨。交內務府伺候呈覽。○八年。朝鮮慶賀平定回疆。又為

頒給敕書暨

加賞緞疋謝

恩。恭進各貢物。俱留抵下次正貢。○九年。朝鮮例貢。請旨賞收。其恭進謝

恩貢物。留抵下次正貢。○十一年。朝鮮國王李玘為賜祭該國故世子。並

冊封世孫

賞賜物件恭進謝

恩貢物均奏准留抵下次正貢。○十三年朝鮮國王因特賞緞疋謝

恩恭進貢物留抵下次正貢。○十五年朝鮮國王李瑛薨逝。權署國事李奂請諡並請承襲恭進貢物。奏准留抵下次正貢。又因

冊立

皇后暨加上

皇太后徽號恭進慶賀貢物二分照例

賞收。其因上年

頒給詔書。順付貢使齋回。並

冊立禮成。

賞給該國王妃緞疋。恭進謝

恩貢物二分。奏准留抵下次正貢。○又因故國王

賜祭

賜諡及故世子

賜爵

賜諡並

冊封世孫李奭為朝鮮國王。恭進謝

恩貢物五分均奏准留抵下次正貢。十六年朝鮮國

王慶賀

皇太后六旬萬壽加上

徽號恭進貢物奉

旨賞收。十七年朝鮮國王請

冊封王妃恭進貢物奏准留抵下次正貢。十八年奏

准朝鮮國王謝

恩貢物照歷屆成案留抵下次正貢。十九年琉球國

王為

遣使冊封又

恩賞御書恭進謝

恩貢物奉

旨留抵下次正貢。旋據該使臣等呈懇

賞收奉

諭。此次所進貢物。即照所請賞收。俾得遂其抒忱效悃之誠。該部即傳諭該使臣。今於回國時。轉告該國王知之。又

諭。越南國向例。每屆四年。兩貢並進。今既改為四年一貢。所進貢物。自應減去一次。其舊例兩貢並進之處。著即停止。又朝鮮國王。恭進

大行皇后前貢物三分。照乾隆四十二年嘉慶四年例賞還。○又朝鮮國王因

頒給敕諭順附回國恭進貢物謝

恩。又以前進貢物發還。仍懇轉奏

賞收奉

旨。此次朝鮮謝恩貢物。著准其留抵下次正貢。其年貢孝全皇后前禮物。前經降旨發還。茲據該國使臣復將原貢帶來。情詞懇切。具見悃忱。著准其留抵下次正貢。以昭體恤。○二十五年。朝鮮國王因上年

賜祭該國王妃謝

恩又請

冊封王妃恭進貢物奏准留抵下次正貢。○又越南國

王阮福暎因

冊封及

賜祭故國玉進謝

恩貢物均留抵下次正貢。○又朝鮮國王李奭恭進例

貢外加進

冊封謝

恩方物奏准留抵下次正貢。○二十九年朝鮮權署國

事李昇並已故宣恪王王妃金氏遣使為該故

國王李奭請諭兼請襲封恭進方物奏准留抵
下次正貢。○又朝鮮年貢

孝和睿皇后前禮物先經提案奏交使臣帶還嗣該國
進香使臣復懇請轉奏

賞收奉

旨。此次朝鮮國王遣使進香並帶呈前進貢物本應發
還念其情詞懇切具見悃忱著准其收存抵作正貢
以昭體恤。○又朝鮮使臣呈懇將發還恭進

孝和睿皇后

宣宗成皇帝前謝

恩貢物仍予

賞收奏准留抵下次正貢。○又朝鮮國王李昇因

賜祭

賜諡及

冊封謝

恩恭進貢物奉

旨。交該國使臣帶還。○三十年朝鮮使臣呈懇將發還

謝

恩貢物仍予

賞收奏准留抵下次正貢。○又朝鮮國王李昇因

頒給

孝和睿皇后遺誥並慶賀

登極及

頒給詔書

賞賜緞疋謝

恩恭進貢物奉

旨。著一併留抵正貢。○咸豐元年。朝鮮國王遣使陳奏
伊本生祖李裨嘉慶年間誣入該國邪教懇請
昭雪恭進貢物奏准留抵正貢。○又琉球國王
於例貢外加進慶賀

文宗顯皇帝登極方物留抵正貢。○又

諭禮部奏琉球國使臣呈稱該國世子此次恭進方物。懇照嘉慶六年十四年道光二年准予賞收。免其留抵等語。該國世子因慶賀登極專遣使臣呈進方物。前經降旨。准其留抵正貢。原以昭體恤而示懷柔。今據該使臣等呈稱伊等臨行時。該國世子再三諄囑。懇請准予賞收。免抵下次正貢。具見抒忱效悃誠懇可嘉。著照所請。此次所進方物准予賞收。下次正貢屆期。該國遣使來京時。再當優加賞賚。用昭柔惠遠藩至意。該部即傳諭該使臣。令於回國時轉告該國

世子知之。○又朝鮮於年貢外。加進慶賀。崇上

孝和睿皇后尊諡。

宣宗成皇帝尊諡。並

賞賜緞疋謝

恩。及慶賀元旦令節各貢物。奉

旨。均著留抵。嗣據陪臣等呈懇

賞收。奉

旨。其年貢著賞收。餘仍留抵正貢。○二年。朝鮮國王恭

進年貢。並慶賀。

孝德皇后

冊益禮成。又因該國王生祖昭雪謝

恩並請

封王妃加進各貢物奉

旨慶賀等貢物著留抵正貢。○又朝鮮國王因

遣使往封該國王妃恭進謝

恩貢物奉

旨留抵正貢。○又暹羅例貢向有減半方物一分因

中宮虛位奏准留抵正貢。嗣因庫存該國減半方物三

分數與正貢一分之數相符奏准仍遵道光二

十七年

諭旨。將該國舊存貢物。作為此次正貢。此次例貢。留抵
下次正貢。○三年。朝鮮國王於例貢外。加進慶
賀

宣宗成皇帝升祔

升配並

頒給詔書。交貢使帶回謝

恩各貢物奉

旨謝恩貢物一分。著留抵正貢。○又朝鮮國王。因

冊立

皇后。恭進慶賀貢物。照例

賞收。其因上年

詔書。順付貢使齎回。並

冊立禮成。

賞給該國王王妃緞疋暨

賞賜

御書扁額恭進謝

恩貢物。准其留抵下次正貢。又

諭吳文鎔吳振棫奏請免南掌國貢使入京一摺。著該

督撫傳旨該國使臣等。此次毋庸來京。貢物象隻。即

著賞收。由該督撫派員送京。其應行頒賞該國長及

正副使臣等銀物。仍由該管衙門照辦齊全。發交雲南派員齎送出關。轉交祇領。○又越南國王阮福時

因

賜祭故國王。並

恩准襲封。恭進貢物。奏准留抵正貢。○又

諭羅繞典等奏緬甸國貢使入京。請變通辦理一摺。著該督撫傳旨該使臣等。此次毋庸來京。貢物象隻。即行賞收。一俟道路肅清。即由該督撫派員送京。其應行頒賞該國王及正副使臣等銀物。仍由該衙門照辦齊全。發交該省派員齎送出關。轉交祇領。○四年

諭禮部奏遵議琉球貢使暫緩赴京一摺。琉球國王久列藩封。該貢使等航海輸誠。具徵忱悃。惟現在用兵省分。尚未能一律肅清。若令繞越程途。跋涉遠來。轉非所以示體恤。著王懿德於該使臣等貢船行抵閩境後。即行宣諭朕意。令其此次毋庸來京。仍優予犒賞。委員護送回國。所有進貢方物。即著賞收。由該督等派員送京。其應行頒賞該國王世子及使臣等物件。著該管衙門查照舊章備辦。發交該督派員齎送。轉給祇領。○又

諭王懿德等奏琉球貢使籲懇仍准入都一摺。前以用

兵省分尚未肅清。諭令琉球使臣毋庸繞道來京。以示體恤。茲據王懿德等奏據該國貢使等稟稱。此次除例貢進物外。尚有謝恩及恭賀表章。仍祈准予入都。藉達下忱等語。該貢使等殷殷籲懇。其意實出至誠。若必令其毋庸來京。非所以慰遠人之嚮慕。著王懿德等俟來歲道路疏通。即派員護送該貢使等赴京。俾輸忱悃。○五年。琉球國世子尚泰於例貢外。加

進謝

賞賜御書扁額恩。並慶賀

冊立

皇后方物奉

旨。留抵下次正貢。旋據該使臣等呈懇

賞收。免其留抵奉

諭。此次所進方物。准予賞收。下次正貢屆期。該國遣使
來京時。再當優加賞賚。該部即傳諭該使臣。令於回
國時。轉告該國世子知之。○又朝鮮國王李昇因

頒給

孝靜康慈皇后遺詔。遣使謝

恩。恭進方物。准其留抵正貢。○六年。朝鮮國王。慶賀恭

上

孝靜康慈皇后尊諡進獻方物照例
賞收其因

尊諡頒給

詔書交齋咨官帶回謝

恩方物留抵下次正貢。○八年朝鮮國王李昇因

賜祭該國王母妃遣使謝

恩恭進貢物留抵下次正貢。○同治元年奏准發還朝

鮮國恭進

文宗顯皇帝萬壽聖節冬至令節並謝

恩各貢物照道光元年成案一併留抵正貢。○又朝鮮

國王慶賀

穆宗毅皇帝登極呈進

兩宮

皇太后前貢物二分照例

賞收其慶賀

登極貢物一分又因

頒詔

賜緞謝

恩恭進

穆宗毅皇帝前貢物二分

兩宮

皇太后前貢物四分均照道光元年成案辦理。○二年。

朝鮮國王於例貢外加進慶賀崇上

文宗顯皇帝尊諡並崇上

兩宮

皇太后尊號徽號暨

頒詔

賞緞謝

恩各貢物奉

旨五分收受十一分留抵。○又朝鮮國王因鄭元慶所

撰二十一史約編記其國祖語多訛誤。懇予刊正。恭進貢物。准其留抵下次正貢。○三年。朝鮮國王。因刊正二十一史約編訛誤謝。

恩。恭進貢物。准其留抵下次正貢。○又朝鮮權署國事李燮。遣使為該故國王李昇請諡。並請襲封。恭進方物。准留抵下次正貢。○又朝鮮國王李燮。因

賜祭

賜諡及

冊封謝

應恭進貢物准留抵下次正貢。○又琉球國世子慶賀
穆宗毅皇帝登極並進

文宗顯皇帝香品呈貢方物准其留抵下次正貢。旋據
該使臣等呈懇免抵准予

賞收。○四年朝鮮國王於例貢外並呈進謝
恩方物奉

旨。此次朝鮮國王因上年慶源地方蒙賞材木恭進謝
恩方物著留抵下次正貢。○五年朝鮮國王於例貢
外加進謝

賞賜御書扁額

恩並

兩宮

皇太后前各方物奏准留抵下次正貢。○又朝鮮國王

恭賀

文宗顯皇帝升祔並

冊封該國王妃恭進方物准留抵下次正貢。○六年朝

鮮國王因

冊封王妃又為排解法國構兵遣使謝

恩恭進貢物准留抵下次正貢。○又琉球國王因

賞賜御書扁額謝

恩恭進方物。准留抵下次正貢。旋據該使臣等呈懇免抵。准予。

賞收。○八年。安南國王於例貢外。並補進上三屆各年例貢奉。

旨。補進方物。著留抵下三次正貢。以示體恤。○十年。安

南國王因逆匪竄擾。經大兵會勦蕩平。遣使謝

恩。恭進馴象二隻。萬歲蟠桃金樹二盆。象牙二對。犀角

三座。肉桂一百斤。土花綢緞一百疋。土縐紗一

百疋。土花紗一百疋。土花紬一百疋。土絹一百

疋。土紬一百疋。大項羽扇六把。並據該陪臣等

呈懇將同治八年存抵下三屆正貢。停其留抵。
奉

旨。准其一併賞收。○十一年。朝鮮國王遣使慶賀。

穆宗毅皇帝大婚。加上

兩宮

皇太后徽號。恭進貢物。奉

旨賞收。○十二年。朝鮮國王遣使慶賀。

穆宗毅皇帝親政。加上

兩宮

皇太后徽號。恭進貢物。照例

賞收其因上年

冊立

皇后

頒給詔書。順付貢使齋回暨

賞賜該國王王妃緞疋謝

恩。恭進方物。准留抵下次正貢。○十三年。朝鮮國王於

例貢外。並因

親政

頒給詔書。順付貢使齋回謝

恩。恭進方物。准其留抵正貢。○光緒元年

諭岑毓英奏緬甸國王呈進馴象。請旨遵行等語。該國王呈進馴象二隻。業經該撫答以衣料食物。並優賞該夷官。辦理尚屬妥協。餘著照所請辦理。○又奏准發還朝鮮國恭進慶賀

穆宗毅皇帝萬壽聖節。冬至暨元旦令節各貢物。照同治元年成案。一併留抵下次正貢。○又朝鮮國王遣使慶賀

皇帝登極。又為

頒給詔書

賞賜緞疋謝

恩恭進方物。准其留抵正貢。○又朝鮮國王請封世子。恭進方物奉

旨。該國王既稱伊子李垢。器質粹美。實堪負荷。請封世子以定國本。情詞懇切。著照所請行。其進獻禮物。准其留抵下次正貢。以示體恤。○又朝鮮國王遣使恭進

穆宗毅皇帝香貢。值

孝哲毅皇后大事。

頒給敕諭。並恭上

穆宗毅皇帝

孝哲毅皇后尊諡禮成

頒給詔書均交該使臣齎回謝

恩恭進方物准其留抵下次正貢。○二年朝鮮國王遣使慶賀崇上

穆宗毅皇帝尊諡

孝哲毅皇后尊諡及元旦令節又因恭進

穆宗毅皇帝香貢及該國撥舟濟軍

賞賜緞疋謝

恩呈進方物准其留抵下次正貢。○又朝鮮國王慶

賀加上

兩宮

皇太后徽號。又因

冊封該國世子。暨

特賜國王並該國世子物件謝

恩。恭進方物。准其留抵下次正貢。○三年。朝鮮國王。

因慶賀加上

兩宮

皇太后徽號。

賞給緞疋。並恭進

孝哲毅皇后香貢。

賞給緞疋謝

恩。呈進方物。准其留抵下次正貢。○八年。朝鮮國王。

慶賀

孝貞顯皇后升祔恭進

慈禧端佑康頤昭豫莊誠皇太后貢物。照例

賞收。又因前進

孝貞顯皇后香貢。

賞賜緞疋謝

恩。呈進方物。均准留抵下次正貢。○九年。朝鮮國王。

慶賀崇上

孝貞顯皇后尊諡恭進

慈禧端佑康頤昭豫莊誠皇太后貢物照例

賞收。至呈進

皇帝前慶賀貢物及恭上

孝貞顯皇后尊諡

詔書。交使臣齎回。又因該國亂黨滋事。

派兵東援。並

特派弁兵衛護謝

恩恭進各方物。准其留抵正貢。○十一年。朝鮮國王

咨請伊本生父李昰應回國。恭進方物。准其留

抵正貢。○十二年。朝鮮國王。因本生父李昰應
恩釋回國謝

恩。恭進貢物。准其留抵正貢。

欽定大清會典事例卷五百五

禮部

朝貢朝儀

朝儀。○凡貢使至京。先於禮部進表。豫設表案於堂正中。館卿朝服率貢使暨從官各服本國朝服由館赴部。入左角門。竚立階下之左。禮部堂官一員出立於案左。儀制司官二員分立於左右。楹均朝服。館卿先升立於左楹之西。通事二員。序班二員。引貢使以次升階立。皆跪。正使奉表舉授館卿。轉授禮部堂官。禮部堂官受表。

陳於案正中。退立。正使以下行三跪九叩禮。興。序班引退。館卿率貢使從官皆出。儀制司官奉表退。次日送交內閣恭遇。

萬壽聖節元旦冬至朝賀及

皇帝升殿之日。主客司官暨館卿大使等率貢使至午門前朝房祇候。引入

貞度門。

皇帝御太和殿。百官行禮畢。序班引貢使暨從官詣丹墀。西班牙末聽贊行三跪九叩禮。若不遇朝期。由部奏請。或奉

旨召見至期。禮部堂官一員。蟒袍補服。率貢使服其國朝服。通事補服詣

宮門外祇候。

皇帝常服御便殿。

御前大臣領侍衛內大臣內大臣侍衛左右侍立如常儀。禮部堂官引貢使入。通事隨入。至丹墀西行三跪九叩禮畢。引由西階升。通事一員從升。至

殿門外跪。

皇帝降旨慰問。禮部堂官承

旨傳知通事。轉諭貢使。貢使奏對。通事譯言。禮部堂官代奏。禮畢。引出。如待以優禮。是日入班會集之滿漢大臣。咸蟒袍補服。按翼侍立。禮部堂官引貢使至丹墀。行禮畢。引由西階升。入

殿右門。立右翼大臣之末。通事隨入。少後立。

皇帝降旨賜坐。領侍衛內大臣。內大臣。入班會集之滿漢大臣。及禮部堂官。一叩頭。序坐。貢使隨跪一叩頭坐。

賜茶。尚茶進。

皇帝茶。衆跪叩。侍衛徧授大臣及貢使茶。咸跪受一

叩頭飲畢。跪如初。

皇帝降旨慰問。禮部堂官承

旨。俱如前儀。禮畢。禮部堂官引貢使出。至朝房。承旨賜貢使尚方飲食。訖。館卿率以退。翼日黎明。

午門外謝

恩。鴻臚寺傳贊序班引貢使就丹墀西北面。行三跪九叩禮。如儀。如

召見於

圓明園。由

出入賢良門西邊入。至

正大光明殿西隔扇引入

殿內餘俱如前儀

頒賞之日。豫設案於

午門外道左陳

賜物於案。館卿朝服率貢使暨從官各服本國朝服

由

東長安門

天安門

端門至西朝房前東面序立。禮部堂官一員立案
北西面。主客司官及各執事員役俱立案南。西

面監禮御史及鴻臚寺鳴贊官四員分立

御道左右東西面序班二員立貢使之北東面均

朝服鳴贊贊齊班序班引貢使至西丹墀內序
立北面東上贊進贊跪叩興行三跪九叩禮主

客司官奉頒給國王

賜物率通事授貢使跪受轉授從人乃以次頒貢使
從人

賜物各跪受訖贊叩興復行三跪九叩禮興引退館
卿率貢使及從官從人皆出○崇德二年朝鮮
國王李倧舉國歸附

太宗文皇帝命坐於和碩親王之上。其長子李滢次子李湜。三子李滄。坐於貝勒之次。又定凡朝鮮國來使。有職銜稱君者。俟朝賀行禮畢。引入殿內。坐於右翼輔國公之下。隨班

賜茶。○康熙五十九年。西洋國遣使臣斐拉理奉表來朝。是日。設表案於

暢春園九經三事殿階下正中。

聖祖仁皇帝御殿升座。禮部鴻臚寺官引貢使奉表陳案上。退行三跪九叩禮。仍詣案前奉表進

殿左門。升左陛。膝行至

寶座旁恭進。

聖祖仁皇帝受表。轉授接表大臣。貢使興。仍由左陛降。出左門。於階下復行三跪九叩禮。入

殿

賜坐

賜茶畢。謝

恩退。○雍正二年。琉球國王遣王舅翁國柱等來京朝賀。業已隨班行禮。仍

持旨召見。○三年。安南國王遣陪臣入貢方物。奉旨召見。○四年。琉球國王尚敬為

賜御書扁額玉器綵緞遣使恭進謝

恩禮物其正使紫巾官

召見○五年西洋國遣使臣麥德樂等進表慶賀儀與
康熙五十九年同○七年朝鮮國差陪臣驪川

君李增謝

恩來京未遇

升殿

世宗憲皇帝御乾清宮

升寶座禮部堂官一人引來使隨帶通事一人由

乾清門右門入至丹墀西行三跪九叩禮畢引入

乾清宮右門。

賜坐於右翼大臣之末。

賜茶。來使叩頭飲訖。

世宗憲皇帝慰問。來使跪聆畢。引出。至

乾清門外謝。

恩。會集之大臣。咸補服。議政大臣及應會集大臣。均入
內大臣班。列坐豹尾班。侍衛隨進扈衛。不

賜茶。在

圓明園。

召見於

正大光明殿儀同。又

諭嗣後朝鮮差來陪臣有職銜稱君者遇升殿之日照常賜茶。如未遇升殿著禮部於使臣起程之前奏聞令其便殿進見賜茶遣回。又琉球國差陪臣耳目官毛鴻基等入貢來京恭遇

聖駕升殿俟百官行禮畢將耳目官毛鴻基正議大夫鄭秉彝引至丹墀西行三跪九叩頭禮畢於右翼眾官之末。

賜坐

賜茶。又奏請

召見暹羅國貢使奉

旨。著大貢使於同來貢使內選一人。令二人進見。○八年奏准。南掌國通事刁猛原係緬人。雖通漢語。但蹇澀不能明晰。有伴送貢使之把總康天錫。熟悉南掌國言語。令其隨貢使進

見。○十二年。朝鮮國陪臣密昌君李檝。安南國陪臣范公容。琉球國陪臣温思明等。於元旦令節。

聖駕升殿。已經行禮。停其進

見。○乾隆元年。暹羅國陪臣朗三立哇提等四人入貢

來京。均蒙

召見儀與雍正七年同。○又奏准。嗣後琉球安南暹羅等國來使皆照雍正七年儀節行。停止議政大臣等會集

賜坐

賜茶之例。○四年琉球國使臣王舅向啟猷等已於元旦隨班行禮仍准其進

見。○八年奏准蘇祿國使臣雖經

召見尚未起程恭遇

升殿之期仍令其謝

恩行禮。○九年朝鮮國陽平君李楷因患病停其進

見。○十四年奏准暹羅國使臣朗呵派派提等奉表來
京恭遇

聖駕巡幸於

啟鑿之日禮部滿堂官引來使等四人並通事一人至
圓明園宮門外於

聖駕啟鑿之先。行三跪九叩禮。
恩賞該國物件於

宮門前賞給。隨率至王公百官送

駕排班之末。跪候瞻仰。如蒙

慰問。來使跪聆畢。禮部堂官領回。○十六年緬甸國使

臣希里覺填等。奉表來京。恭遇

升殿。已經行禮。停其進

見。○十八年。奏准暹羅國使臣郎損吞派沛等。奉表來
京。恭遇

駕幸南苑。已令使臣道旁瞻仰。照例停其進

見。○又西洋國使臣巴哲格等。奉表來京。令來使候於
後左門。恭候

高宗純皇帝御乾清宮

升寶座。禮部堂官一人。率領在京居住西洋人一人。引
來使進

見進表儀與雍正五年同。是日會集之大臣咸補服議
政大臣入內大臣班不

賜茶。豹尾班侍衛照常隨進扈衛如儀。三十六年恭
遇

孝聖憲皇后八旬萬壽。琉球國貢使毛自煥等。同南掌
國貢使叭哩門遮昆等一體入班行禮。又南
掌國貢使蒙

召至熱河筵燕入於侍郎班次。三十八年奏准琉球
國王遣陪臣向宣謨等進貢恭遇

孝聖憲皇后萬壽。由鴻臚寺官引來使在

午門前隨班行禮。○四十九年

諭安南國貢使於本年二月十五日進關。因令軍機大臣。覈歷次該國使臣行走程途日期。約於七月內可。以到京。彼時正駐蹕熱河。自應令該使臣等即赴熱河。瞻覲。毋庸在京候至年底。致需時日。欽此。遵

旨奏准。該國陪臣范阮達等到京。即帶赴熱河。瞻仰

天顏。○五十三年奏准。緬甸貢使業渺瑞洞等到京。由

禮部堂官帶領該貢使前赴熱河。瞻仰

天顏。○又奏准。臺灣生番義民於十二月到京。恭遇
駕幸瀛臺。帶領瞻覲。○五十五年。安南國王阮光平親

詣

闕廷慶祝

萬壽至

聖節日。安南國王於親王以下郡王以上班次一體行禮。其朝鮮等國陪臣俱照例在百官末行禮。均如儀。五十八年。英吉利國遣使臣馬夏爾尼等入貢。

高宗純皇帝御澹泊敬誠殿。軍機大臣同禮部堂官帶領貢使恭奉表文跪遞。

命御前大臣恭接轉呈

御覽。○嘉慶八年。越南國進貢請封使臣到京。由禮部堂官帶領該使臣前赴熱河瞻覲。○二十一年。英吉利國正貢使羅耳阿美士德等來京。稱病不能瞻覲。

諭令即日遣回。該國王表文亦不必呈

覽。○道光十二年。朝鮮琉球兩國王遣使臣奉表來京。

除外

保和殿筵燕

賜坐

賜茶。○十七年

諭嗣後朝鮮使臣來京如遇駐蹕圓明園該使臣到京
一二日後即著該衙門繕寫奏片於本日引見時在
出入賢良門外帶領瞻覲○咸豐十一年

諭禮部奏朝鮮國王遣使臣瞻覲可否帶赴行在等語
朝鮮國王因朕駐蹕熱河遣使臣奉表詣行在恭申
起居具見悃忱深堪嘉尚惟朕身體違和若該使臣
遠來行在未獲展覲轉無以慰其瞻戀之誠該國使
臣到京後著毋庸前赴行在禮部仍照例筵燕○同
治八年安南國王遣陪臣奉表來京恭遇

穆宗毅皇帝萬壽聖節入班行禮。